

四庫全書

史部

欽定四庫全書

史部

建炎以來繫年要錄

目錄
卷一

詳校官侍讀學士_臣陸伯焜

刑部郎中_臣許兆椿覆勘

欽定四庫全書

史部二

建炎以來繫年要錄目錄
編年類

卷一

建炎元年正月

卷二

建炎元年二月

卷三

建炎元年三月

卷四

建炎元年四月

卷五

建炎元年五月

卷六

建炎元年六月

卷七

建炎元年七月

卷八

建炎元年八月

卷九

建炎元年九月

卷十

建炎元年十月至十一月

卷十一

建炎元年十二月

卷十二

建炎二年正月

卷十三

建炎二年二月

卷十四

建炎二年三月

卷十五

建炎二年四月至五月

卷十六

建炎二年六月至七月

卷十七

建炎二年八月至九月

卷十八

建炎二年十月至十二月

卷十九

建炎三年正月

卷二十

建炎三年二月

卷二十一

建炎三年三月

卷二十二

建炎三年四月

卷二十三

建炎三年五月

卷二十四

建炎三年六月

卷二十五

建炎三年七月

卷二十六

建炎三年八月

卷二十七

建炎三年閏八月

卷二十八

建炎三年九月至十月

卷二十九

建炎三年十一月

卷三十

建炎三年十二月

卷三十一

建炎四年正月至二月

卷三十二

建炎四年三月至四月

卷三十三

建炎四年五月

卷三十四

建炎四年六月

卷三十五

建炎四年七月

卷三十六

建炎四年八月

卷三十七

建炎四年九月

卷三十八

建炎四年十月

卷三十九

建炎四年十一月

卷四十

建炎四年十二月

卷四十一

紹興元年正月

卷四十二

紹興元年二月

卷四十三

紹興元年三月至四月

卷四十四

紹興元年五月

卷四十五

紹興元年六月

卷四十六

紹興元年七月至八月

卷四十七

紹興元年九月

卷四十八

紹興元年十月

卷四十九

紹興元年十一月

卷五十

紹興元年十二月

卷五十一

紹興二年正月 至二月

卷五十二

紹興二年三月

卷五十三

紹興二年四月至閏四月

卷五十四

紹興二年五月

卷五十五

紹興二年六月

卷五十六

紹興二年七月

卷五十七

紹興二年八月

卷五十八

紹興二年九月

卷五十九

紹興二年十月

卷六十

紹興二年十一月

卷六十一

紹興二年十二月

卷六十二

紹興三年正月

卷六十三

紹興三年二月至三月

卷六十四

紹興三年四月

卷六十五

紹興三年五月

卷六十六

紹興三年六月

卷六十七

紹興三年七月至八月

卷六十八

紹興三年九月

卷六十九

紹興三年十月

卷七十

紹興三年十一月

卷七十一

紹興三年十二月

卷七十二

紹興四年正月

卷七十三

紹興四年二月

卷七十四

紹興四年三月

卷七十五

紹興四年四月

卷七十六

紹興四年五月

卷七十七

紹興四年六月

卷七十八

紹興四年七月

卷七十九

紹興四年八月

卷八十

紹興四年九月

卷八十一

紹興四年十月

卷八十二

紹興四年十一月

卷八十三

紹興四年十二月

卷八十四

紹興五年正月

卷八十五

紹興五年二月

卷八十六

紹興五年閏二月

卷八十七

紹興五年三月

卷八十八

紹興五年四月

卷八十九

紹興五年五月

卷九十

紹興五年六月

卷九十一

紹興五年七月

卷九十二

紹興五年八月

卷九十三

紹興五年九月

卷九十四

紹興五年十月

卷九十五

紹興五年十一月

卷九十六

紹興五年十二月

卷九十七

紹興六年正月

卷九十八

紹興六年二月

卷九十九

紹興六年三月

卷一百

紹興六年四月

卷一百一

紹興六年五月

卷一百二

紹興六年六月

卷一百三

紹興六年七月

卷一百四

紹興六年八月

卷一百五

紹興六年九月

卷一百六

紹興六年十月至十一月

卷一百七

紹興六年十二月

卷一百八

紹興七年正月

卷一百九

紹興七年二月至三月

卷一百十

紹興七年四月

卷一百十一

紹興七年五月至六月

卷一百十二

紹興七年七月

卷一百十三

紹興七年八月

卷一百十四

紹興七年九月

卷一百十五

紹興七年十月

卷一百十六

紹興七年閏十月

卷一百十七

紹興七年十一月至十二月

卷一百十八

紹興八年正月至三月

卷一百十九

紹興八年四月至五月

卷一百二十

紹興八年六月

卷一百二十一

紹興八年七月至八月

卷一百二十二

紹興八年九月至十月

卷一百二十三

紹興八年十一月

卷一百二十四

紹興八年十二月

卷一百二十五

紹興九年正月

卷一百二十六

紹興九年二月

卷一百二十七

紹興九年三月至四月

卷一百二十八

紹興九年五月

卷一百二十九

紹興九年六月

卷一百三十

紹興九年七月

卷一百三十一

紹興九年八月

卷一百三十二

紹興九年九月至十月

卷一百三十三

紹興九年十一月至十二月

卷一百三十四

紹興十年正月至三月

卷一百三十五

紹興十年四月至五月

卷一百三十六

紹興十年六月至閏六月

卷一百三十七

紹興十年七月至九月

卷一百三十八

紹興十年十月至十二月

卷一百三十九

紹興十一年正月至三月

卷一百四十

紹興十一年四月至六月

卷一百四十一

紹興十一年七月至九月

卷一百四十二

紹興十一年十月至十一月

卷一百四十三

紹興十一年十二月

卷一百四十四

紹興十二年正月至三月

卷一百四十五

紹興十二年四月至六月

卷一百四十六

紹興十二年七月至九月

卷一百四十七

紹興十二年十月至十二月

卷一百四十八

紹興十三年正月至閏四月

卷一百四十九

紹興十三年五月至八月

卷一百五十

紹興十三年九月至十二月

卷一百五十一

紹興十四年正月至六月

卷一百五十二

紹興十四年七月至十二月

卷一百五十三

紹興十五年正月至六月

卷一百五十四

紹興十五年七月至十二月

卷一百五十五

紹興十六年正月至十二月

卷一百五十六

紹興十七年正月至十二月

卷一百五十七

紹興十八年正月至六月

卷一百五十八

紹興十八年七月至十二月

卷一百五十九

紹興十九年正月至六月

卷一百六十

紹興十九年七月至十二月

卷一百六十一

紹興二十年正月至十二月

卷一百六十二

紹興二十一年正月至十二月

卷一百六十三

紹興二十二年正月至十二月

卷一百六十四

紹興二十三年正月至六月

卷一百六十五

紹興二十三年七月至十二月

卷一百六十六

紹興二十四年正月至六月

卷一百六十七

紹興二十四年七月至十二月

卷一百六十八

紹興二十五年正月至六月

卷一百六十九

紹興二十五年七月至十月

卷一百七十

紹興二十五年十一月至十二月

卷一百七十一

紹興二十六年正月至二月

卷一百七十二

紹興二十六年三月至五月

卷一百七十三

紹興二十六年六月至七月

卷一百七十四

紹興二十六年八月至九月

卷一百七十五

紹興二十六年十月至十二月

卷一百七十六

紹興二十七年正月至四月

卷一百七十七

紹興二十七年五月至九月

卷一百七十八

紹興二十七年十月至十二月

卷一百七十九

紹興二十八年正月至六月

卷一百八十

紹興二十八年七月至十二月

卷一百八十一

紹興二十九年正月至四月

卷一百八十二

紹興二十九年五月至閏六月

卷一百八十三

紹興二十九年七月至十二月

卷一百八十四

紹興三十年正月至三月

卷一百八十五

紹興三十年四月至八月

卷一百八十六

紹興三十年九月至十月

卷一百八十七

紹興三十年十一月至十二月

卷一百八十八

紹興三十一年正月至二月

卷一百八十九

紹興三十一年三月至四月

卷一百九十

紹興三十一年五月至六月

卷一百九十一

紹興三十一年七月

卷一百九十二

紹興三十一年八月至九月

卷一百九十三

紹興三十一年十月

卷一百九十四

紹興三十一年十一月

卷一百九十五

紹興三十一年十二月

卷一百九十六

紹興三十二年正月

卷一百九十七

紹興三十二年二月

卷一百九十八

紹興三十二年閏二月至三月

卷一百九十九

紹興三十二年四月至五月

卷二百

紹興三十二年六月至十二月

臣等謹案建炎以來繫年要錄二百卷宋工

部侍郎井研李心傳撰心傳精於史學通知

故實詳見宋史儒林傳中是書乃纂述高宗

朝三十六年事蹟仿通鑑之例編年繫月與

李燾長編相續寧宗時嘗被旨取進永樂大

典別載賈似道跋稱寶祐初曾刻之揚州而

元代修宋遼金三史時廣購逸書其目具見
袁桷蘇天爵二集並無此書之名是當時流
傳已絕故修史諸臣均未之見至明初始得
其遺本錄之而文淵閣書目祇有一部二十
冊藏諸秘府其他諸家書目亦並未有儲及
之者蓋其失傳久矣誠已軼僅存之善本也
宋自南渡後史學盛行紀述之書最稱該備
迄今存者固多而踏駁亦復不少獨心傳是

編以國史日厯為主而叅之以稗官野記家
乘誌狀案牘奏報百司題名無不臚採異同
以待後來論定故文雖繁而不病其冗且其
於一切是非得失之迹皆據實詮叙絕無軒
輊緣飾於其間尤為史家所僅見即如宋人
議論多右張浚心傳獨能直書不諱并朱子
行狀而亦不敢盡從未嘗以蜀人稍為掩覆
宋史本傳謂其重川蜀而薄東南之士實有

不盡然者綜而論之其書雖取法李燾而精
審較勝至視熊克陳均趙牲之諸家相去殆
懸絕矣原本所載秦熈張匯諸論是非錯謬
疑為後人攙入又於本註外載有留正中興
聖政呂中大事記何備龜鑑諸書當亦修永
樂大典時所附入者今既無別本可證姑依
文錄存間加駁正有與宋史互異者亦各為
辨証附注下方其書中所載金人地等名音

譯均多舛誤謹依

欽定金史國語解之例詳加訂正別為攷證附載
篇末用以訂訛傳信仍依原第釐為二百卷
至此書命名文獻通考作繫年要記宋史本
傳作高宗要錄互有不同今據心傳朝野雜
記自跋及王應麟玉海定為繫年要錄編次
如左乾隆三十八年十一月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

建炎以來繫年要錄卷一

宋 李心傳 撰

建炎元年

歲次丁未金太宗晟天會五年

春正月

臣謹案建炎改元在五月之朔今為所載

乃中興事始故依資治通鑑及累朝實錄歲中改元例即于歲首書之或謂建炎元年無春當依舊文用靖康二年紀事臣謂不然春秋魯定公以六月即位是六月以前國人必稱昭公三十三年矣而孔子書之曰元年春王三月晉人執宋仲幾于京師夏六月戊辰公即位孰謂定公元年之無春乎故臣此書以元加春蓋亦竊取春秋之義

辛卯朔淵聖皇帝朝道君太上皇帝于延福宮

是日兵馬大元帥康王軍行次陽穀縣

王名構字德基道君皇帝第九子母曰韋賢妃

謹案實錄

體制當云顯仁皇后韋氏則紹興三十年以後所書也日歷則云宣和皇后韋氏建炎元年五月以後所書也今臣此書以事繫日此時顯仁未正尊名則書法當如此大觀元年五月乙巳

夜生于東京大內之宮中紅光照室八月丁巳賜名

拜定武軍節度使檢校太尉封蜀國公二年正月庚

申徙鎮海軍節度使開府儀同三司封廣平郡王宣

和三年十二月壬子拜太保遂安慶源軍節度使進

封康王

日歷四年正月封康王會要及熊克中興小歷並云四年三月封王誤也蓋三年冬進封

明年春乃出閣耳今從汪藻所編元符庚辰以來詔旨

識明彊記日誦千餘言

挽弓至一石五斗七年冬金人來侵

張匪節要云何古達為帝以本

土愛新為國號愛新女真語金也以其水生金而名之猶遼人以遼水名國也金太祖實錄云太祖以遼天慶五年建國曰遼以鑛鐵為國號鑛鐵雖堅剛終有銷壞惟金一色最為真實自今本國可號大金二說不同未

知孰的也

靖康元年正月庚辰被命使軍前議和金

國者在遼之東北蓋古肅慎氏之地其國在漢稱伊
掄南北之間稱和奇隋唐稱默爾赫至五代始稱女

真祖宗時嘗通中國後臣屬于遼建中靖國元年遼

海濱王耶律禧立號天祚皇帝立十五年女真完顏

旻起兵

女真姓與廟諱同音今依張遜節要進本例為字不成案宋法嫌名皆避欽宗諱桓故

完字亦闕末筆今已全寓本字則此註為贅然原本所有姑存其舊旻即阿固達其先

新羅人也

金太祖實錄云太祖生於戊申七月其先為完顏部人後因為氏洪皓松漠記聞

云女真君長乃新羅人號完顏氏完顏猶漢言王也苗耀神麓記云女真始祖堪布出自新羅奔至安春

無所歸遂依完顏因而氏焉後女真衆人結盟推為首領七傳至兀古達乃大聖武元皇帝侍中韓企先

訓名曰旻張遜節要云阿骨打即位以王為姓以文為名鍾邦直舊帳行程錄云金主名文小字阿古忽

案此諸書阿骨打姓名及小字皆不同然趙良嗣奉使錄馬擴茅齋自叙洪皓記聞等書並作阿骨打三人皆身至金廷此必不誤惟史愿金人亡遼錄作阿姑打疑語音之訛案紹興二十六年令國信所避旻字紹興講和錄載烏珠書李正民避旻嫌名改作正文而三十年十月虞允文出使去文字權改名允何也豈金主嘗名文而易為旻耶按金太祖名阿固達今已譯定李心傳不知漢文錯互由于譯音之訛舛復加辨訂實屬支贅但原註乃臚考與同之文未可概加改正姑仍其舊後倣此先是宦者武康軍節度童貫持命使遼政和元年為遼主禧所九月辛巳

辱貫怒會燕人馬植得罪於其國間道邀貫說以取

燕之策貫納之政和四年秋女真起兵八年五年夏

植自雄州來奔更姓名曰李良嗣

欽宗實錄童貫附傳云馬植得罪於

其國間道邀貫說以取燕之策貫納之約以來歸至則藏之家奏賜名為趙良嗣鄭昂危史云政和二年燕人馬植者來歸匿於童貫家植能文辭數上書上喜賜姓名李良嗣熊克中興小歷政和二年童貫為遼國生辰副使貫還有燕人馬植者密邀於路為言取燕之策貫挾以歸奏賜姓名李良嗣王偁東都事畧契丹附錄云貫回至盧溝河夜召見植擁之以歸易姓名曰趙良嗣薦之於朝業三國謀謨錄良嗣以政和五年三月壬申上蠟書雄守和誅以聞辛巳蔡京童貫奏許之四月庚子入界壬寅至雄州丁卯入見蓋貫與之約而後納之非攜以歸也附傳及諸書皆差誤或謂貫植既已相約不當更涉三年有餘而後至恐亦不然業良嗣降書云天慶五年三月而中有一天祚親征女真軍無鬪志之語天祚以辛卯歲改

乾統十一年為天慶時當政和元年四年秋女真起兵五年春天祚下詔親征女真與此書合謂貫擁之以歸者恐誤仕諸朝始有謀燕之意遼人既為女真所破

其勢寢微六年冬貫干預樞密院事遂謀出師七年

春尚書司封員外郎陶悅使遼而歸

二月癸未

具言敵未

可圖會知樞密院事鄧洵武亦不以為然事得暫止

此以陶悅奉使錄參修錄云二月中旬貫北伐前軍發悅歸奏敵未可圖事乃寢建炎末悅以此贈秘閣

修撰其年夏薊州人高藥師見遼國亂自海道奔登州

言女真攻遼奪其地大半守臣王師中以聞良嗣霍

陰人涉獵書傳有口才先是師中聞朝廷經畧用兵
全家來忻代詔令赴朝質以並邊衆事師中謀與良
嗣同遂令知登州以伺其事事聞太師蔡京總三省
童貫領樞密院命師中募人持詔以市馬為名伺其

實

八月戊辰

女真不納

蔡條北征紀實高藥師等還奏謂雖已到彼蘇州界望見岸上女真

兵甲多不敢近而回於是上為赫怒頗疑外廷臣寮承望大臣旨意因詔元募借補人并將校一行並編配遠惡又降御筆通好女真事監司帥臣並不許干預是歲童貫又上其平燕策魯公不報一日留身劾貫壞邊事上乃議除貫司徒致仕貫大懼為伯氏置酒甚厚以二犀帶遺伯氏伯氏力救解一日童師啟

持識緯兩幅紙來讀之誠如近事魯公曰為秦知此
非本朝美事廼識五代石晉出帝爾仍謂師敏曰更
待用兵若使如圖識言
好模樣自此議遂寢
重和元年春還青州正月戌夏

詔武義大夫馬政與其子承節郎擴

字犯御名今改後准此案廣

字今俱改從原名擴字而原注姑存其舊

及平海軍指揮使呼延慶航海

往使四月悅節夫子

節夫宣和間為龍圖閣學士應姓名已見建隆以來繫年要錄

者此不別出止注其爵里于下以便稽考

洵武雙流人京仙遊人政狄道

人也秋旻用遼秘書郎楊璞計

張匪節要作楊朴趙良嗣奉使錄馬擴自

叙並用此璞字今從之

即皇帝位

重和元年八月

遣南海人李善慶與

政偕來廣安軍進士安堯臣疏論遠隙不可開詔補

堯臣承務郎實不用其議

堯臣以五月上書十一月補官

冬遼主禧

冊金主旻為東懷國皇帝割長春遼東兩路地且議

和旻不聽

元年十月

宣和元年春善慶至京師

正月丁巳詔

京貫召問諭以來攻遼人取燕地之意遣直秘閣趙

有開持詔書往賜

三月甲子

璞鐵州人有開燕人趙秉直

也

秉直以政和七年正月丙申賜名案武臣趙秉淵易州人未知與秉直同族否當考察條北征紀實

云李善慶來見魯公但祇衣臨堂廡待之善慶再拜於堂下魯公曰歸語汝主中國所守信義也兩國盟

誓重未得便如汝主所請汝主苟能興立則朝廷當
自有禮遇善慶首肯再拜而退即具奏其辭上悵然
魯公私嘗謂條曰北事只我了得他人做着必鑿脫
雖然我功名能有甚底日夜着身不得更好了却燕
山耶伯氏密以白上於是上意大寢遂夏有開至登
議罷魯公矣條所云如此恐非其實

州而死諜報遼人與女真議和朝廷聞之遣呼延慶

送善慶歸呼延慶至女真六月戊寅金主旻以本朝賜詔

為非禮怒拘之冬始遣歸十月戊戌二年春至京師二月丁酉

時李良嗣已賜姓政和七年正月丙申遂命良嗣以右文殿

修撰再使三月丙寅面約夾攻遼以燕地歸我金主旻許

燕京七州而不許雲中及平灤地秋遣良嗣與其臣

錫珪赫魯以國書來且言歲幣

七月丙辰自上京遣還九月壬寅至京師

詔登州兵馬鈐轄馬政持國書及事目報聘

九月壬辰於

是童貫已有出師意乃命河北軍與陝西河東更戍

九月己未蔡條北征紀實乃載更戍事於政和五年與史不同

又遣西兵宿將會京

師冬睦寇方臘作亂

十月丙子

三年春童貫南征

正月丙午夏

赫魯復至京師

五月丙午

遼上京路副統耶律伊都以讒

得罪遂奔女真

松漠記聞云余都姑之降金人以為西軍大監軍即餘覲也邵伯溫辯誣

作俞覲亦誤今從實錄蔡條北征紀實政和五年遼主遣九大王為元帥征女真方臨敵而大臣余堵強立之因脫身投遼主余堵降女真與此異按伊都名今改正姑存原註秋上皇以貫未

還用太宰祥符王黼議授赫魯書歸不遣使八月冬壬子

赫魯至金十一月金主旻意朝廷絕之乃悉其衆渡遼

而西以伊都為前鋒四年春破中京正月癸酉遼主禧棄

燕京去三月庚午國人立其從父秦晉國王淳為帝三月丙子

伊都引金人入雲中地三月乙酉邊吏以聞詔太師

童貫為河東北宣撫使三月丁亥貫自江浙還以諫取花

石事與黼有隙貫造京坐深語黼大懼遺貫書曰若

北行願盡死力貫大喜

此據蔡條紀實附入紀實又稱上將命鄆王為元帥魯公

密扣中宮力爭又梁師成力阻貫因得且止及魯公請對力諫北伐事文多不錄

將行上皇

以三策授貫上策取燕中策耶律淳稱藩下策全師

而還夏童貫發京師

四月戊戌

復以少傅蔡攸為宣撫副

使

五月丙寅

攸京長子為上皇所信愛使監其軍

吳曾漫錄云宣

和四年金人攻大遼使王緯來乞師宰相王將明主其議以童貫為宣撫使蔡居安副之案史金人止檄代州不得受逃亡人未嘗遣使

貫至雄州

五月乙亥

遣閻

諸書亦無王緯乞師事今不取

門宣贊舍人馬擴入燕招諭又遣都統制保靜軍節

度使种師道將兵十餘萬隨之耶律淳大懼欲稱藩

五月會師道進兵與西都統林牙耶律達實遇一作

大實按耶律達實名今改正姑存原註敗于白溝五月遂已始貫攸之

出師也其參謀官中書舍人宇文虛中論此事乃安

危存亡之所繫願罷將帥還朝毋開邊隙黼不聽師

道世衡孫世衡洛陽人終環慶路兵馬鈐轄達實遼宗室虛中廣都

人也未幾耶律淳死六月妃蕭氏權主國事貫以遼

尚盛遂班師

六月癸巳次高陽關

起復延康殿學士詹度時守

中山言燕人無主願納土上皇疑未決王黼力主再

興師之議秋詔貫攸母歸異議者斬益發諸路兵二

十萬會三關

七月壬午

朝散郎安陽宋昭提舉江西茶鹽

公事還上疏論女真決先敗盟其言切至朝廷怒械

送連州編管

九月辛酉

金人聞貫出師恐我師先入關不

得歲幣遣通議使烏色高慶裔來議夾攻責以不先

示起兵月日

九月乙丑入見

詔趙良嗣馬擴報聘朝議始傾

心倚金人以取燕地既而遼易州將高鳳以城來附

九月辛未常勝軍管押郭藥師亦以涿州地及所部詣宣

撫司降九月己卯蕭太后懼命乾文閣待制韓昉奉表稱

臣貫攸不受九月甲申冬貫使藥師道諸將以輕騎襲燕

入之諸將甫入燕軍無紀律遼樞密使蕭幹以兵來

援諸將遁歸七月己酉良嗣至奉聖州本古新州金主旻口不

言而心許雲中地十月辛亥都統制鎮海軍節度使劉延

慶自盧溝焚其營夜遁十月甲寅童貫不得燕而懼遣使

臣王瓌密禱金主使圖之

瓌十一月辛未至奉聖州

金主先遣國

信使李靖計議使烏凌阿色呼美來許山前七州漢

地漢民且言平營灤三州雖貴朝克復不在許與之

限上皇諾之

十二月戊子

後三日金主旻入燕林牙達實

以七千騎奔夾山蕭太后偕行為遼主禧所殺蕭幹

亡入奚

十二月丁酉

自號大奚國皇帝獨遼興軍節度副

使張覺繕兵守營平地金人遣故遼參知政事康公

弼招諭

十二月戊戌

授覺同中書門下平章事建平州為

南京趙良嗣至燕

十二月庚子

金主責之復遣李靖色呼

美來議以本朝不夾攻欲得燕地租賦

十二月甲辰

慶裔

渤海人本東京戶部司繙譯吏稍知書藥師鐵州人

昉燕人幹奚人延慶保大軍人其先西蕃熟戶瓌師

中子靖賓州人色呼美女真人也

張覺賈子莊陷燕記作張穀北狩錄

作張珏諸書多作覺今從之撒拇馬擴自叙作撒盧拇今從張匪節要按色呼美名今改正姑存原註

五年春金人求燕地租賦使者三返遂命龍圖閣直

學士趙良嗣持御筆誓書至軍前許歲賂銀絹五十

萬匹兩代租貨一百萬緡而請燕山地

三月丁巳蔡條紀實云劉

延慶師潰王黼因入言曰二帥不足仗臣當自主之上意屢欲罷反為羣小所持激鄭居中時在樞府梁師成萬從中秉權數進不便之語黼既專任其事因降旨飭二帥不得動以聽約束迺使趙良嗣奉使

金用事者及契丹舊臣猶持不可金主旻獨許之前

已得涿易二州夏金人以燕京及檀順景薊四州漢

地漢民歸我

四月辛卯

後九日貫攸以全軍入燕初曰交

割後曰撫定未踰月金太祖旻卒于白水泊

五月乙丑其

國相宗維遙冊旻弟烏奇邁為帝更名晟宗維旻伯

父和卓孫尼瑪哈也

金太祖實錄云太祖生于戊申天輔七年八月己未終于布圖灤在

位九年享年五十有六與諸書皆不同史愿金人亡遼錄云吳乞買名慎鍾邦直行程錄云金主名慎小字吾克埋與諸書亦不同今不取洪皓記聞云黏罕者吳乞買三從弟名宗幹其庶弟名宗憲靖康日歷欽宗實錄亦云阿古達以其弟吳乞買黏罕為謀主張匯節要云天會四年夏以皇弟黏罕為左副元帥此諸書皆同按阿古達子姪名皆連宗字黏罕兄弟亦然則決非其弟也史愿亡遼錄云阿古達有弟姪曰吳乞買黏罕輩蓋吳乞買乃其弟而黏罕乃其姪此為得之然宋王宗幹乃武元之子海陵之父紹興二十六年朝旨令國信所避旻晟亮幹四字則宗幹決非黏罕名張棣金志云黏罕為薩哈子恐亦不然今從苗耀神麓記按金太宗名烏自尼瑪哈擅兵奇邁及尼瑪哈名今改正姑存原註

愈不欲交雲中地而蔚朔武三州守將以城來附金

南京留守張覺亦上表歸命

六月丙戌

上皇疑未聽燕山

宣撫使真定王安中以營平邢勝勸上皇受之覺邀

回金人所遷燕京職官戶口乃拜覺泰寧軍節度使

世襲平州金主旻之未死也議取燕北人民童貫以

常勝軍為重乃奏以燕地六州富民與之對換蓋利

其田宅以贍常勝軍比富民歸而貲產已散皆流離

困躋遂重失燕人心然常勝軍月費縣官糧猶十餘

萬斛率自山東河朔運至燕由是齊趙晉代之間民

力皆竭而羣盜竄起太傅王黼大懼遂令天下皆出

免夫錢凡六千二百餘萬緡

此並據蔡條北征紀實

上皇以貫

無功命貫致仕

十月已未

黼與少保梁師成共薦太尉譚

稹為河東北宣撫使師成稹皆宦者使之圖雲中冬

金人克平州

五年十一月

張覺奔燕山金人檄疏我罪而

取之朝廷不得已命太尉同知燕山府郭藥師斬首

以送繇是常勝軍皆解體是歲奚人饑其部曲殺蕭

幹傳首于我

十二月甲辰

譚稹知常勝軍不可制六年春

乃募雲朔漢兒數萬號義勝軍初燕之未得也趙良

嗣許貸金人糧稹不與金人怒秋取蔚州及飛狐靈

邱兩縣

六年

稹坐是貶復命童貫總師

八月乙卯孫觀撰章綽墓

誌云譚稹為宣撫使朝廷命公為參謀官時金人納夏羌之請割雲中以北三千餘里遺之止以朔武歸我夏人駸駸河朔州境詔稹發兵討之太上皇親筆督戰至八九公益持不可曰金人以我納叛渝盟藉為爭端今困竭天下盡于燕山訖無善後之策况議雲中乎退而疏燕雲決不可守之狀反覆數千言皆社稷安危之決起稹上之稹讀奏大驚曰安得此不祥之言公言擇禍莫若輕極論數日稹不得已擇取

一二上之書奏稕罷公落職遷吏部更命童貫出師
遂敗績按此所云與諸書不同姑附此當考綜案子
時為右文
殿修撰

遼主禧與林牙達實猶在夾山夾山者在

沙漠之北有泥濼六十里獨契丹能達它國所不能

至羣小共謀遣一番僧賫御筆絹書誘禧約使來歸

待以殊禮禧大喜尅期相接貫以是落致仕出使金

人每以力不能入夾山為恨會帛書屢返金伺知之

冬貫遣武功大夫和州防禦使馬擴見金將完顏希

尹議交雲中

十一月
壬寅

希尹不許是月王黼致仕

十一月
丙

子蔡京領三省事

十二月癸亥

貫上疏經畫雲中京進呈

尚書右丞宇文粹中持不可乃畫旨留俟粹中虛中

兄也七年春遼主禧畧山後地希尹遇之于歸化州

本舊武州

以兵遮其歸路遣貝勒羅索擊而俘之

天祚被擒國史

載之宣和七年正月末蓋因馬擴自叙及汪藻背盟錄所記烏珠獻捷年月蔡條北征紀實亦同然元符

詔旨童貫賀表乃云契丹昏主以二月十九日北走二月二十七日准大金牒昏主已出首前來則在七

年二月矣諸書皆誤亡遼錄云保大四年秋烏珠擒天祚保大四年乃宣和七年若繫之是秋尤甚誤今

不取

案文獻通考北征紀實二卷蔡條撰此書或作紀錄或作紀實今俱改從通考以歸畫一

達

實以殘衆奉其子梁王北奔

洪皓松漢記開云遼亡達實林牙亦降與尼瑪

哈雙陸爭道尼瑪哈心欲殺之而口不言達實懼歸帳即棄其妻攜五子宵遁入商安立天祚之子梁王

為帝而相之案三國謀謨錄兩國編年皆云達實諫不聽稱病不行若達實亦降則梁王何以得免皓所

記恐誤也諸書皆云天祚四子趙晉泰許四王而無梁王當是其後一王改封也今從之希尹晟

之從子烏舍

悟室名希尹據洪皓記聞天眷二年希尹加恩制云屬為諸父故知為晟從子

也實錄作兀室然皓嘗為其館客必不誤尚耀神麓記云悟室母孕三十箇月而生名曰悟室乃三十也

今從之今已改正

按烏舍名按烏舍名羅索女真人也

秋金益兵雲中

頗經營南犯

九詔廣陽郡王童貫往太原宣撫速行

毋留

九月
壬辰

初遼海濱王既廢其貴臣劉彥宗蕭慶之

徒

朱邦基靖康餘錄云劉彥宗本河北人奔大遼上東侵中原計天祚惡其敗盟覆好流于錢監金人

克之召入帳計事大說其謀以為樞密使節制諸軍

案馬擴自叙阿固達抵燕京北朝兩府漢兒官左企

弓劉彥宗等開門迎降張匪節要金人立漢兒劉彥

宗時立愛為相二人皆燕人以墳壠田園之故愈勸

敵入侵蓋彥宗非河北人又天祚時已知樞密

院事非金人始用之邦基所聞皆誤今不取

復入

金用事故內外合謀共勸南侵且言中國無人因兵

就糧可也冬國相宗維檄宣撫司問罪遂侵河東

大邑

耿氏有書號痛哭流涕編載此檄文云天會三年十一月二十七日蓋起兵日也國史尼瑪哈犯邊在十

二月都經畧處置使宗傑自檀州入河北犯檀州在十月朔其使

名耿編上淵聖書有之義勝軍之在河東者執其守將以叛童

貫聞之遁十二月甲辰常勝軍亦囚其宣撫使保和殿大

學士餘杭蔡靖十二月乙巳以燕降十二月丙午邊遽聞十二月辛

丑官官猶秘其事後五日輔臣共議十二月丙午命陝府

西路轉運判官鉅野李鄴持萬金及三省樞密院牒

詣金軍迎獻太原中山河間三鎮地以和且言內禪

十二月已未宗傑旻仲子幹里雅布金太祖實錄云二太子名宗望案宗望乃

達蘭子恐誤今從苗耀記幹離不一作窩里字案金上淵聖書用此三字今從之按幹里雅布名今改正

姑存原註於是上皇意已決乃用給事中直學士院揚子

吳敏計禪位于皇太子是為淵聖皇帝十二月庚申明年

改元靖康保和殿大學士蔡脩請駕幸長安會兵以

圖收復詔以脩知京兆府正月丁卯脩兄攸忌其成功改

知鎮江府金人聞內禪大驚欲引去郭藥師言南朝

未必有備乃遣藥師先渡河武泰軍節度使宦者梁

方平河東北副都統制武康軍節度使祥符何灌皆

潰

正月戊辰

太保領樞密院事蔡攸夜奉上皇乘舟東幸

正月己巳

童貫與殿前都指揮使開封高俅繼領勝捷軍

及禁衛三萬五千人扈從太宰開封白時中等請幸

襄陽淵聖皇帝用新除尚書兵部侍郎邵武李綱計

固守

正月辛未

且召諸道兵入援金攻城不下乃遣貝勒

吳孝民來議和

正月癸酉

自言奉其主命如趙皇悔過再

乞權盟仰就便酌中施行

此為紹興十五年六月戊戌秦檜奏上語張本其書

北盟會編有之始稱少帝詔遣尚書駕部員外郎彭城鄭望

之同知樞密院事臨沂李梈往使

望之以癸酉梈以甲戌出使稅

等與金議割三鎮以宰相交地親王送大軍過河太

宰河內李邦彥亟請如敵約以紓禍王慷慨請行遂

與少宰東光張邦昌乘一棧渡濠自午及夜分始達

敵寨辛巳上皇次鎮江府淵聖皇帝以王黼首禍流

之湖外庚寅又使盜殺之

黼之死實錄長編係于壬辰案靖康別錄開封府奏

據捉事使臣韓膺狀王黼二十四日至雍邱縣永豐鄉為盜所殺取到首級申比它書最詳庚寅二十四

日今從之江淮發運副使盧宗原以行宮之命追漕舟與

郵傳俾不得西趣京師又留泐兵泗州司錄事詹大和言童貫且為變甲午以戶部尚書聶山為發運使黔州觀察使權主管侍衛馬軍司公事薛安為副往誅貫尚書右丞李綱固諫乃罷行黜梁師成為彰化

軍節度副使行一日追殺之

趙壯之中興遺史陳東奏疏未及行會有姚平

仲之敗繼有毆擊中官太學生伏闕事再貶循州安置師成知其不免遂自殺蔡絛國史後補師成得罪繼殺之但以其自縊聞贈太師按史師成之貶在乎出師之前亦無再貶循州及贈官事今不取宗

原秉子

秉德清人龍圖閣直學士

大和遂安人山臨川人也王留

金軍踰旬日意氣閒暇二月丁酉朔京畿等路宣撫
司都統制隴干姚平仲夜以西兵萬人襲敵寨不克
亡去戊戌遂罷尚書右丞親征行營使李綱以謝敵
命尚書左丞蔡懋為守禦使代之辛丑遣資政殿大
學士宇文虛中持割地詔至敵軍是日太學生陳東
等伏闕上疏請留李綱士民喜至者十餘萬淵聖皇
帝大驚復以綱為守禦使平仲保靜軍節度使古養
子懋確子

確晉江人元
豐右僕射

東丹陽人也始姚平仲之襲

金營也金以用兵責使者張邦昌恐懼涕泣王不為
動金人因憚王不欲留更請肅王乙巳王還詔割三
鎮以北二十州地遣皇弟肅王樞遷張邦昌太宰以
為質又許金繒銀帛五千七百萬匹兩以和李綱爭
不聽丙午王以勞遷太傅是日金人退師同知樞密
院事种師道請薄諸河而擊之又不聽庚申斬梁方
平於都市罷諸道勤王之師辛酉遣將將兵援三鎮
始上皇留鎮江未返幸臣寧遠軍節度使吳縣朱勔

邀上皇幸其里第朝廷憂之少宰吳敏請令蔡攸勸上皇北歸以贖罪四月己亥上皇還京師金國相宗維在雲中聞宗傑獲金幣不貲而已無所得遣使者

蕭仲恭來求賂大臣以勤王之師踵至有輕敵意初

命尚書度支員外郎邢倬館客

邵伯溫辨誣云倬為司農少卿奉詔館客

案仲恭以四月離京師而倬五月戊辰始自員外郎遷光祿少卿伯溫誤記也既而拘之都

管趙倫懼不得歸給告倬以元帥府右都監耶律伊

都貳於金人願歸大國

欽宗實錄云初斡里雅布軍還尼瑪哈遣使數輩來求賂大

臣以肅王未還留金使與之相當有都管趙倫者燕人狡獪懼不得歸乃詐以情告邢倅云云所謂使者數輩史無其名王偁東都事畧熊克九朝通畧並從實錄作趙倫李燾長編徐處仁吳敏共議釋蕭慶持伊都書遣還注此據李綱辨伊都事劄子蕭慶當作蕭倫案實錄所書全據宣和錄惟沈良靖康餘錄作蕭慶此亦不然靖康要盟錄有黃絹詔本云比者使人蕭仲恭趙倫之來云云蓋仲恭乃使命而倫其都管也宣和錄脫仲恭名今載詔書全文于後以補實錄諸書之闕焉其書云靖康元年四月日大宋皇帝致書于左金吾衛上將軍右都監耶律太師昔我烈祖章聖皇帝與大遼結好澶淵敦信修睦百有餘年邊境晏安蒼生蒙福義同一家靡有兵革戰鬪之事通和之久振古所無金人不道稱兵朔方拘縻天祚剪滅其國在于中國誓好之舊義當興師以拯顛危而奸臣童貫等迷國擅命沮遏信使結納仇讎搆以

金繒分據燕土金匱之約藏在廟祧委棄弗遵人神
恫怨致金人之强暴敗肆陸梁假擾邊境達于都畿
則惟此之故道君太上皇帝深悼前非因成內禪肆
朕初即大位惟懷永國念烈祖之遺德思大遼之舊
好輟食興念無時敢忘凡前日大臣先誤國構禍皆
已竄逐思欲重體先時親仁善隣以為兩國生靈之
福此志既定未有以達而使人蕭仲恭趙倫之來能
道遼國與燕雲之遺民不忘耶律氏之德異假中國
詔令擁立者哲衆望所屬宜于國人無若金吾者實
諧至意良用忻懌昔聞金吾前為遼國將兵數有大
功謀立晉王實為大遼宗社之計不幸事不克就避
禍去國向使前日之謀行晉王有國則天祚安享榮
養耶律氏不亡然則于天祚不害其為忠而于耶律
氏則至忠矣宗室之英天人所相是宜繼有遼國克
紹前休以慰遺民之思方今總兵于外且有西南招
討太師同姓之助雲中留守尚書顯忠之佐一德協

心足以共成大事以中國之勢竭力擁衛有何不成
謀事貴斷時不可失惟金吾圖之書不盡言已令蕭
仲恭趙倫面道曲折天時蒸滲更與保綏宰相徐處仁吳敏共議甲辰以

蠟書授倫厚賜之金錢使結伊都倥恕子

恕原武人
紹聖御史

中處仁穀熟人

熊克小歷云處仁
宋城人今從本傳

仲恭倫皆燕人也

倫歸白其書宗維大怒

趙姓之遺史先是麟府折可
求獻言夏國之北有天祚子

梁王與林牙蕭太師統兵十萬出榜稱金人不道南
朝奸臣結納毀我宗社今聞南朝天子悔過遜位嗣

君聖明如能合擊金人立我宗社則前日敗盟之事
當不論也吳敏以為然乃奏上令致書梁王由河東

入麟府為尼瑪哈遊兵所得按此與實
錄諸書全不同疑傳聞之誤今不取

辛亥宗傑至

燕山府

此據許抹陷燕記

癸亥斬趙良嗣

趙姓之遺史在三
月癸巳與史不同

五月甲戌河東北制置使种師中戰死于榆次後十

日制置使姚古敗于盤陀丙子用門下侍郎耿南仲

議以知樞密院事李綱為河東北宣撫使將卒萬二

千人以援太原七月辛未罷諸道防秋之師綱爭不

聽乙酉蔡京南遷至長沙而死辛卯誅童貫

趙姓之遺史云

童貫以八月乙卯誅于南雄州之使院

是日河東制置使解潛進軍南

關居四日潛潰李綱猶在懷州八月丙申召綱赴關

命太尉种師道代行邊既而亦不用師中師道弟南

仲開封人也金人既不得三鎮地癸卯以書來責叛

盟復引兵深入

耿編二帥再問罪書云天會四年八月十日

九月丙寅左

副元帥宗維陷太原十月丁酉右副元帥宗傑破真

定淵聖皇帝數蔡攸罪甲辰與朱勔並殺之

攸之死實錄無

月日附于九月壬申責萬安之後攸附傳云攸行至嶺外上以著作佐郎宋齊愈為御史即所在斬攸齊愈辭乃改命陳述按述先為御史而齊愈以十月甲辰除察官今參酌附此 堠考 刑部尚書

高平王雲秘書省著作佐郎曲周李若水再見二帥

而歸言金人堅欲得地不然進兵取汴都十一月已
已集百官議於延和殿右諫議大夫鄧城范宗尹等
七十人請與之左司諫江寧秦檜等三十六人持不

可乙亥兩軍分道渡河

實錄韓侂布以十四日自魏縣泛舟渡河北盟編有尼瑪

哈上淵聖書云所遣先鋒今月十四日已過黃河蓋二軍尅期同日而濟是日復用王雲

計亟遣王使河北止師奉袞冕玉輅以行尊金主為

皇伯上尊號十八字

上尊號表國史無之臣家藏雜書一編乃圍城中人手記排日

文字其間謂淵聖為少帝邦昌為新主蓋未返正以前所記也紙背皆宇文虛中帥青社時監司郡守所

通書尺而所記事亦全與丁特起泣血錄中語同不知果何人書耳此表襍記中有之今錄于後大宋攝太尉光祿大夫少宰兼中書門下侍郎臣唐恪等謹再拜稽首上言臣聞德之隆者禮必尊心之誠者文必至矧光奉三靈之眷交通千載之懽既和好之克成豈欽崇之可後伏惟大金皇帝陛下聰明生稟神武誕昭承天命以勃興協人謀而克濟若乃側躬而戒內恕及人能崇天也克承前烈仍善後圖能繼序也念保疆之重推愛物之誠能昭德也開朔漠之區疏燕雲之境能定功也輕地重民體仁可見睦鄰修好悖信無疑制禮不曰修文弭兵得非成武哀茲衆美總以鴻稱臣等不勝大願謹奉玉冊上尊號曰大金崇天繼序昭德定功體仁悖信修文成武光聖皇帝伏惟大金皇帝陛下膺受彝章永綏福履表雍和於南北揚威烈于邇遐長保兩朝之盟允為萬世之則臣等誠惶誠恐稽首頓首謹言靖康別錄云先是

都堂集議加金主徽號十八字太常博士華初平力爭以為不可二府起罷之汪藻為太常少卿草定冊文去冬遣馮澥等為奉冊寶使及河敵騎大入乃還至是遂親上之別錄繫此事于今年正月車駕再出城時今附見此但以崇天繼序四字為繼天集統與稭書差不同當考

王以耿南仲主

和議請與俱乃拜其子中書舍人延禧為龍圖閣直

學士與知東上閤門事高世則並為參議官

耿延禧中興記

十六日出門是日臣南仲奏事內殿淵聖顧問康王辟卿之子為官屬不辭而往朕甚嘉之南仲奏曰臣雖此一子當國家艱難豈敢辭因泣下淵聖皇帝曰宣回奏事如何臣南仲奏曰康王既往而臣子獨宣回無此理退而奉御批耿延禧速宣回奏事臣南仲繳御批奏之云康王為國出使臣之子不肖得奉左

右幸也若獨宣回臣何面目遂已崇實錄王請南仲偕行上曰南仲老矣令其子延禧代行南仲奏臣老止有一子乞免行上曰姑令往渡至河即召王府都回矣據此則延禧所記似其飾說今不取

監入內東頭供奉官藍珪康履黎染西頭供奉官楊

公恕內知客修武郎韓公喬從世則公繪子

公繪蒙城人韓

烈武王瓊元孫仕至保靜軍節度使

公喬開封人也王入辭淵聖皇帝

解排方玉帶以賜朝議欲拜王為元帥又欲擁駕南巡猶豫未決而敵掩至辛巳王行至磁磁守義烏宗澤曰肅王一去不返今敵騎已迫大王去無益於事

不如且留王未之聽磁人以王雲為不誠將奉王入

金壬午執雲殺之

汪伯彥建炎中興日歷云磁守宗澤與王雲有隙誣奏澤奉使賣國

及是又以細作誣雲都人承風旨作亂澤畧不彈壓
雲懷澤甚哀澤弗顧及出遇害耿延禧中興記云雲

至磁許宗澤之誕澤憾因磁人之怨聲言雲果細作
將邀親王入金磁人遂有殺雲之謀宗澤遺事云公

語雲曰外頗喧亂約與之同行雲易之及出遂遇害
發雲行索得皂裘一番巾三綾羅各一王曰必有人

見此故謂雲為細作也遺事與二書所記不同欽宗
實錄全據澤遺事案澤雖與雲不協然是時特不欲

雲奉王入金故邦人殺之而不救恐非以私憾故也
伯彥延禧與澤議論不同辭多毀澤今但云磁人殺

雲庶不
失實
朝廷聞金人渡河遣同知樞密事聶昌與耿

南仲分使金軍許盡割河東北地昌即山也

趙姓之遺史云

淵聖嘗夢為兩日所逼乃改鼎山為昌以壓之與實錄附傳不同

時知相州祁門汪

伯彥亦以蠟書請王還相癸未王以所部千人抵相

州丙戌右副元帥宗傑至京師太宰錢塘唐恪請幸

長安門下侍郎仁壽何臬不可閏月壬辰朔以臬為

尚書右僕射丁酉副元帥宗維至京師耿南仲至衛

州衛人不受南仲馳至相辛丑見王辭以面受睿旨

盡起河北一路將兵入衛王乃同南仲召募勤王之

師殿中侍御史胡唐老見京城危議以王為元帥何
桌是之已酉遣閣門祇候秦仔等八人持親筆蠟書

總城詣相州拜王河北兵馬大元帥

趙姓之遺史載帛書云奉聖旨

訪知州郡糾合軍民共欲起義此祖宗涵養之俗天地神祇所當佑助檄到日康王可充兵馬大元帥同力協謀以濟大功其辭與汪伯彥日歷不同淳熙十三年九月壬申翰林學士兼修國史洪邁奏竊以靖康之難諸王皆留京師唯太上皇帝持節受使獨在河北用能光啟中興符一馬化龍之兆然霸府肇開事出倉卒一時潛藩諸臣不能得其始末近忽傳欽宗遺翰石刻一紙于故相何桌家然後當時事蹟瞭如日星可以垂示天下後世蓋靖康元年閏十一月敵騎攻都城中外不復可通太上奉使幹里雅布軍至

磁州而有王雲之變中夕還相州迺遷東如濟鄆當
是時臬為開封尹首建元帥之請及在相位遂擬進
書之文其語云訪知州郡糾合軍民共欲起義此皆
祖宗百年涵養忠厚之俗天地神祇所常佑助檄到
日康王可充兵馬大元帥陳亨伯充元帥宗澤汪伯
彥充副元帥同力協謀以濟大功欽宗批云依奏施
行又批云康王指揮已黃帛書訖又批云康王指揮
已付卿係黃帛書必已到蓋閏月十三日所行也欽
宗真蹟今猶在臬第槩之子處欲乞聖慈行下蜀中
于隆州何臬家取索以上布之史館編于太上中天
日歷以彰示萬世為火德復輝之符奉聖旨依案此
與姓之所云全同然是時汪伯彥同被除且耿延禧
為參議不知二人何以乃不見此御筆或者臬雖擬
入而後來淵聖又自刪潤也兵馬大元帥上有河北
字亦與臬所擬不同
今並附此以備參考

資政殿學士中山府路安撫使

知中山府陳亨伯為元帥直龍圖閣知相州主管真定府路安撫司公事汪伯彥秘閣脩撰知磁州河北義兵總管宗澤為副元帥俾率兵入援唐老宿曾孫

宿晉陵人治平樞密副使

亨伯零陵人也

亨伯名與上同音按史名邁

金之再

圍城也何真等得殿前司刺員郭京擢為大將使募市井游惰為六甲神兵丙辰旦京盡屏守城兵獨率神兵七千餘人以出未幾京敗金人登城士卒以無賞不肯戰殿前副都指揮使河南王宗濋引衛兵下

城傳呼救駕四壁兵遂大潰及午城陷敵下令縱火屠城何鼎率都民巷戰聞者皆奮敵由是不敢下復偽唱議和辛酉淵聖皇帝幸敵營秦仔至相州於頂髮中出蠟書黃絹三寸王讀之嗚咽軍民感動十有二月壬戌朔王開元帥府有兵萬人蓋樞密院將官劉浩即相州所募義士及信德府勤王兵大名府救河東兵與所招太原真定府遼州潰兵而已分為五軍是日淵聖皇帝將還宮而金帥宗維未得見欲先

得表乃命中書舍人晉陵孫覲秉筆而何桌輩潤色

之

此表實錄不書按孫覲紹興末有書與朱倬云淵聖幸青城金人索表翰林學士吳玠莫倚皆稱病

時覲承乏西掖奏曰雖非臣職事君父在難不敢辭表去卻回要說南朝劫寨覆我軍結伊都滅我國遂如其說叙二事以為大臣誤國致北朝興兵如此又卻回令作四六體來于是宰相何桌刑部侍郎程振起居郎胡交修與覲四人同撰而覲下筆表至淵聖詣端誠殿尼瑪哈設宴別是日大駕還內建炎初上駐蹕維揚言官馬仲為覲草表之罪上曰大臣誤國至此教他怎奈何又覲建炎初辭待制奏狀與此畧同其末云表往不合淵聖諭臣曰朕欲亟歸耳卿勿計空言可也桌亦不從遂自操筆為之宣和錄趙姓之遺史畧載表語與丁特起孤臣泣血錄亦同其實皆誤表本具靖康要盟錄

癸亥帝還宮

金遣官檢視庫藏

此據三國謀謨錄二師上淵聖書附見耿氏編有檢相數云絹五千

四百萬匹大賜表段一千五萬匹金三百萬錠銀八百萬錠珍寶未見實數

又令寧昌軍

節度使蕭慶入居尚書省朝廷動靜並先關白

此據實錄

是日王以便宜命河北都轉運使龍圖閣直學士張

慤京東轉運副使直顯謨閣黃潛厚並兼大元帥府

隨軍應副

汪伯彥中興日歷作直龍圖閣黃潛厚誤也潛厚除小龍在今年三月戊午慤

樂壽人潛厚邵武人也王之至相也河北西路提點

刑獄公事王起之提舉常平等事王淵提舉茶鹽公

事秦伯祥被旨守黎陽皆馳至相王訝之汪伯彥悉薦以為幹辦公事又以王府都監藍珪康履內知客韓公裔等並主管機宜文字武顯大夫陳淬都統制五軍兵馬甲子閣門祇候侯章自京師至傳命盡起河北一路兵守臣自將時有使臣劉定亦持蠟書趣王入援且言京城且破王憂之命耿延禧草詔布之諸郡左副元帥宗維聞王在河北丙寅遣甲士三千人與簽書樞密院事沙縣曹輔賁詔書召王與諸將

議引兵渡河康履等言相州守禦嚴備宜留相王叱
之秦伋侯章劉定請自濬州以帛索攀援渡河轉載
而南汪伯彥以李固渡敵壘可虞乃議往北京會兵
而進乙亥王率五軍離相丙子履冰渡河丁丑發元
水鎮迷失道汪伯彥得羊羹炊餅而進晚泊大名府
初副元帥宗澤在磁屢乞會兵奪李固渡斷敵歸路
衆議不可澤自遣其將秦光弼等領兵走渡斬數百

級獲其齎糧

耿延禧建炎中興記云時金寨據李固渡宗澤屢乞會兵破之衆議以為小而

堅勝之不武不勝為笑且敵歸路不可遏澤不聽自以磁入攻之應王為先鋒澤為中軍集烏合之衆遏李固渡為敵所破市井無賴先遁抱應王馬足乞性命澤亦僅得脫與實錄所載不同今不取會帥

府約赴大名癸未澤以所部二千人先諸軍至

日歷丁丑

王至大名癸未梁揚祖至自信德府同日宗澤至自相州初揚祖引兵至磁澤謁軍中請揚祖同復真定揚祖曰奉大元帥檄書保衛過河豈敢違王命而從公乎即上馬趨予城渡澤倉卒收聚民兵僅二千人踵揚祖後同日而至與澤遺事不同耿延禧中興記云上至大名河北守臣將兵漸集宗澤王麟兵不滿三千人梁揚祖將邢州兵後至幾萬人此足明澤先諸軍至也今從之

中大夫知信德

府梁揚祖以兵萬人馬千匹繼至兵官張俊苗傅楊

沂中田師中皆在麾下王壯之時中山受圍將士請

以揚祖代為元帥揚祖辭乃以為秘閣修撰隨軍轉

運使揚祖子美子

子美涇城人適孫道君朝中書侍郎

俊成紀人本河

東宣撫副使劉鞫部曲傳授孫

授上黨人元豐殿前副都指揮使傳乃履

之子熊克中興小歷以傳為授子蓋誤也

沂中崞縣人師中秀容人鞫崇

安人也曹輔至興仁守臣徽猷閣待制贛縣曾楙詰

之輔乃裂衣襟出御筆蠟封及樞密院鑒書以遺楙

楙告于王甲申破蠟封乃淵聖皇帝手詔畧曰金人

登城不下見議通和仰大元帥康王將天下兵分屯
近甸毋得輕動汪伯彥等皆以議和為可信宗澤獨
曰女真破城事勢如此是必欲歟我師今即信之後
悔無及丙戌澤請直趨澶淵為壁次第解圍衆曰金
兵十倍圍京城控守要害吾當量力何論解圍澤曰
京都圍閉日久君父相望入援何啻飢渴今但進屯
近畿設敵有他謀則吾兵已在城下矣王然之是日
金人犯相州幕府聞曹輔已還

輔以是月
癸未入城

恐金人知

王所在且再至戊子命澤以萬人進屯澶淵

宗澤遺事云命

公提兵二萬先行誤也案中興日歷此行實以帥府先鋒右軍後軍共五千人及招到常景二千人王麟千人隸之明年春乃益以孔揚聲王在軍中自是澤彥威所部萬人爾遺事恐誤

不復與府中謀議

建炎中興日歷云宗澤渡河而來本欲憩歇數日乃詭辭趣王進發

王語伯彥等曰宗澤渡河方到趣行言不由衷次日下令限一日起發澤詣王告曰一行兵且乞令歇脚三五日要備辦乾糧置買草履澤退王笑曰遂我謀矣案澤以癸未至大名甲申乃聞城陷丙戌澤始請解圍丁亥分軍戊子進發伯彥謂澤趣行而又止者恐妄也今不取

伯彥等請王如

山東庚寅發大名府至是次陽穀縣是日澤以所部

至開德府時遣精銳與敵挑戰初京城圍久號令不通王軍在相州天下不得聞動靜及是渡河駐軍天

下申陳四集取決霸府矣

臣謹案編年之體不當追錄前書已載之事今以金

人和戰帥府建立皆中興已後事蹟張本故詳著之以備其始末

命濟王栩景王杞出賀二帥左副元帥宗維亦遣其子

珍珠大王入賀

壬辰延康殿學士高伸落職左金吾衛大將軍高傑降克左衛率府率傑伸皆球兄坐根括搞軍金銀而相與

隱匿為婢所告也 金人二十一人詣國子監謁宣聖

此據趙牲之遺史

癸巳王次東平府 顯謨閣待制孫磐卒謚通靖磐江都人事上皇為殿中少監

甲午詔諭河東北諸州守臣令趣降初朝廷既割兩河地累旬日惟知石州席秩以郡降餘皆不下金人患之復以為請乃下是詔焉 太常少卿汪藻兼權起居舍人藻婺源人也 蕭慶在都堂聽講月令洪範

此據趙牲之遺

史

是日武翼大夫閣門宣贊舍人元帥府先鋒統制

楊青為濮人所殺青大名人去為盜先是磁相間有盜

常景者聚眾二千人據天平山青自衛濬趨天平破之

青有眾萬人左右使令稱宣贊行移稱閣門最為兇狡

既而青景以其眾詣相州降王以青為先鋒統制景為

宗澤右軍統領

去年十二月丙戌

王去大名命青以所部屯栢

林鎮青行至濮州需糧辱郡守藺中謹濮人擊殺之

耿延

禧中興記云青至濮州微服入欲殺守臣蓋據中興所云非其實也汪伯彥中興日歷正月七日濮州中興月

三日楊宣贊來城下待應副錢糧次日早親自帶領二十餘人安打木板攀援上城直至州衙上廳便據押知州蘭中謹至窺城裏被守禦軍兵用亂石打殺楊宣贊據此則青纔以二十人入城恐無殺郡守之意中謹所云不無飾說當以實錄為正但實錄以為丁酉青至濮州須糧却誤蓋丁酉乃濮州申至之日耳王擢

其將常謹代青謹疑懼欲復叛還西山帳下承信郎孔

彥威以計斬謹王因命彥威為宣贊舍人統制軍馬屯

澶淵受宗澤節制

實錄云常景疑懼欲復叛彥威斬之按叛者乃青部將常謹自是一人所

謂常景者已先撥隸宗澤軍中姓名偶同音史臣誤也宗澤事實作常景亦誤代青在此月乙酉彥威斬謹在二月丙寅命彥威在辛巳今聯書之

丙申以徽猷閣待制董耘為元帥府參議位耿延禧下
高世則上日赴軍中謀議耘湏城人也王在軍中率與
延禧耘世則共飯夜設酒果延僚屬不過一再行詢問
古今治亂軍中情實而已

初金人同撫諭使臣齎詔至南京取金帛權府事直龍
圖閣東道副總管汝陽朱勝非疑不與復遣使臣入京
審其故丁酉詔守臣根括供納凡得金百兩銀帛三萬
九千匹兩盡予之

勅應天府守臣等忽覽來奏知撫諭
詔書已到又知南京蒙大金存全更

不攻城喜極出涕所須金銀匹帛當極力應副一匹一兩不可存留可根括係官及官吏民庶之家盡數借納以謝恩德京城見今收拾犒軍務在罄竭已降詔書朕苟可以報大金者雖膚髮不惜亦可以此意曉諭官吏民庶勿更執迷恐誤大事故茲示諭想宜知悉春寒汝等比各安好遣書指不多及

戊戌何鼎使軍前乞減金銀表段之數左副元帥宗維不從於是令御史臺置籍自宰執以下未納金銀人指名督索不以官職高下例加械掠人不聊生

己亥車駕詣延福宮以將出郊也尚書吏部侍郎李若水兼權開封尹

庚子淵聖皇帝再幸青城初金人將挾二帝北遷乃督
犒軍金銀益急欲縱兵入城時蕭慶居尚書省淵聖皇
帝以問慶慶曰須陛下親見元帥乃可前一日左副元
帥宗維以書來約車駕出城議加其主徽號淵聖皇帝
難之簽書樞密院事曹輔請毋行吏部侍郎李若水使
金歸報力勸出幸以為必無他右僕射何臬主其說帝
疑焉金使兵部尚書高慶裔者奏曰陛下不必親出城
但遣親王大臣可也帝欲毋往恐敵縱兵殘民遂決計

出城南壁統制官閤門宣贊舍人吳革聞之入白梟曰
天文帝座甚傾車駕若出必墮敵計梟曰二太子止欲
加金主徽號必不留也革固爭不聽時梟自謂折衝有
術在都堂對金使歌曰細雨共斜風作輕寒左右及金
使皆笑翌旦車駕再詣金營先是門下侍郎耿南仲既
走相州而同知樞密院事聶昌為絳人所殺去年閏月癸卯朝
廷遣中書侍郎陳過庭割河東北地閏月宰執見在者
惟何臬曹輔與尚書左丞馮澥同知樞密院事孫傅發

書樞密院事張叔夜至是梟解輔從行乃以傅兼太子少傅輔皇太子諶監國叔夜時彈壓于外不與謀遇於太學前叩馬諫帝曰朕為生靈勢不得已即策馬行叔夜控其勒不能止則號慟再拜帝猶回首字之曰嵇仲努力遂行衆皆哭車開封人國初樞密使延祚七世孫過庭山陰人解安岳人傅東海人叔夜耆曾孫也耆開封人

天聖中樞密相

日晚命內侍邵成章衛太子赴宣德門自是並

稱制行事

傅雲建炎通問錄館伴李侗嘗云京城初下二太子曾與國相商量自古北兵到南朝未

嘗不破其國攜其主而歸此只是兵強而已德不足也
孰若立其主刻大碑於梁宋間使天下後世知行兵有
名且不絕人後亦使南兵自此數百年不敢動這個功
績甚大他日若趙氏自立即更無立主一段恩義國相
遂然其說差監軍烏舍送少帝入城烏舍辭免不曾入
去後來其議復變却稱國家事大不可不為長久之計
二太子亦曾力爭言不惟無一段恩義兼恐兵端未已
然累日商議不成遂從烏舍郎君之言臣按幹里雅布於
本朝素號有善意伺所云理或有之他書皆
不見今畧采撮附淵聖再出城時以補史闕

命閣門

宣贊舍人符彬持詔書詣北道總管司諭河北軍民自
金再圍城四方師帥望風不進時敵以兵五萬守潼關
扼西兵來路陝西制置使錢蓋乃將十萬衆由商虢而

東至潁昌

去年十二月已卯

聞敵登城遂棄軍奔湖北江淮等

路發運使兼江浙福建經制使翁彥國亦將東南六路

兵與峒丁槍仗手合數萬人徘徊泗上始議置四道都

總管俾召天下兵勤王惟南道張叔夜以三萬人援京

師因留不去

閏十一月己丑

東道胡直孺為金生得既而歸之

十一月丁丑

西道王襄棄河南走襄漢

去年閏月

北道趙野自大

名亂後提其兵往南京與河東北宣撫使范訥合自號

宣總司淵聖皇帝奪野職提舉西京嵩山崇福宮

十一月丙

戊而以河北都轉運使張慤為延康殿學士大名尹至

是將出城遣彬持詔至北道總管司略曰金人圍城已

及一季援兵尚爾稽遲使社稷生靈坐以待盡比已登

城不獲已許帝姬和親立大河為界而金人實未斂兵

欲質我太上皇帝又欲使朕南遷咨爾河北之民與其

陷于蕃敵孰若抱孝懷忠更相推立總首保守疆土天

下安平與汝等分土共享朕言及此痛苦碎首

實錄無和親至

南遷等語蓋節文今

蓋惟演曾孫

惟演吳越王子仁宗朝樞密使

彥國

崇安人直隸南昌人襄南陽人野訥皆開封人也是夕

帝留宿青城

實錄李若水附傳云二月丙寅敵謀中變案二帝北狩乃金本謀時驛召張邦昌將

使僭位遲留彌月蓋跌金主詔書之至也附傳因若水失計而拔拭之耳實錄云金使高尚書者奏上云不必親出而不言其名案耿氏編二帥與邦昌書有云兵部尚書高慶裔即此人也今增入

辛丑淵聖皇帝在青城遣人通謁二帥不見禮數迥異

於前蕭慶風李若水留儀衛三百命侍衛親軍馬軍副

都指揮使郭仲荀統之仲荀達孫也

達河南人治平末同簽書樞密院事

於是鄆王楷景王杞濟王栩祁王模莘王植徐王棣沂

王掇和王拭信王榛等九人與宰執何臬馮澥曹輔翰
林學士承旨吳玠學士莫儔中書舍人權直學士院孫
覲禮部侍郎譚世勛太常少卿汪藻皆留城外餘悉令
入城玠清流人儔歸安人世勛長沙人也帝再幸青城
也舍於親王位供帳蕭然饋餉皆不至羣臣相顧失色
於是敵人以數輩持兵守閤謹誰何日將入掩關外向
以鐵繩維之然薪擊柝傳呼達旦帝不堪幽閉之辱往
往出涕

此據實錄及宣和
錄孫覲奏狀參修

右文殿修撰知冀州樂壽

權邦彥以勤王兵千人至帥府王命進屯澶淵

壬寅高陽關路安撫使黃潛善自將本路兵二萬五千人至東平王軍益振潛善潛厚弟也 軍賊祝進王在

攻德安府通直郎權府事陳規率軍民拒之初京城之破也鎮海軍節度使劉延慶奪萬勝門率班直長入祇候西兵萬餘人而出皆護駕選鋒也甫過普安院為金人所邀延慶死其徒李孝忠黨忠祝進薛廣曹端王在之徒皆去為盜黨忠王在引衆數千犯隨州守臣朝請

郎陸德先亟遁官吏居民悉走大洪山在掠強壯為兵
取其財而去薛廣繼至劫掠罄盡廣又攻郢復二州守
臣直龍圖閣舒舜舉中大夫趙縱之亦遁忠遂往來隨
州德安之間先是規知安陸縣率民兵數千援京師至
蔡州道梗不能達還及境上會祝進攻德安府守臣李
公濟遁父老請規攝府事規辟進士韓之美及寓居十
餘人為屬官遣射士張立率民禦進却之人心稍固時
府城壞規植竹編木橫門扉於上代女牆以捍矢石而

施守具馬是日王在遣人持檄諭規開門規不答翊日
早游騎至城下與祝進軍合又翊日引衆攻城規乃遣
人出城縱火佛舍與居民皆盡懼其藏賊也在又以砲
石鵝車之屬進攻城東規登樓問之曰何故至此在曰
京城已破我等皆爭門而出所以至此德安人聞之莫
不墮淚蓋時未知敵已登城也規謂此皆詭辭亂語叱
退之在圍城十有七日而去自是黨忠亦時復出沒張
立者規常用以出戰後擢為將官德先嘗為御史中丞

規安邱人之美安陸人也

熊克小歷云規臨沂人通判
郢州捍賊有勞誤也今從規

狀行

癸卯樞密院編修官胡珵以駕久不歸為書上右副元
帥宗維畧曰優禮我寡君則康王懷恩惠恤我都城則
河北慕義書凡千餘言珵晉陵人也是日太學諸生余
覺民等數百人並詣南薰門上書請車駕還內朝廷恐
生事令樞密院轉遣彈壓官止之 金遣兵百人衛司
馬光墳

甲辰再括金銀初帝幸金營約五日必還至是金以犒軍金帛未足為詞邀留不已留守孫傳以民間所有已

竭乃取上皇旨凡宗廟供器及諸王公主第盡括之

尚書

省正月十三日奉御批累見大金高尚書傳元帥台令為金銀表段數少且拘留在此俟見數足方可放還可速依下項并仰據所有數目明批上歷限至十五已前送納如有吝惜隱藏却因搜檢告首發覺便行軍令

時帝在齋宮無聊何臬奏宜賦詩以遣興夜遣中使劉當時召孫覲賦即事詩詩成賜酒仍召馮澥曹輔吳玠李若水譚世勣汪藻同賦皆以歸回二字為韻羣臣見

帝意所在不覺歛歛

此以孫覲奏狀呂本中痛定錄參修本中又云上詩曰噬臍有愧平

燕日嘗膽無忘在莒時藻詩曰虜帳夢回驚日處都城心切望雲時有以此達敵帥敵見在莒之句又斥其為虜帳因據此為名遂遲留車駕案金人留駕乃其素議至是始以金銀不足為詞非因此詩也據覲所奏當時亦不用時字韻蓋本中得於傳聞夏少曾朝野僉言云上在齋宮高尚書郭少傅與吳玠孫覲等對上吟詩唱和恐高慶裔輩未必果能吟詩今不取

乙巳雪 籍梁師成家支百官俸 金人將易代懼民

不聽欲以中原地擇人君之度大臣無肯任者乃議即軍中取前太宰張邦昌立之始邦昌既渡河遙罷為觀

文殿大學士中太一宮使

靖康元年二月己巳

城始破金驛召邦

昌于燕至是邦昌與肅王至城外

案邦昌上王書云臘月二十日還闕正月

十五日至城外乙巳十五日也耿氏編金人曉諭諸路節文云城破之後驛召而至是金人立邦昌之意已定

於去冬矣今參考修入

是日上元節二帥即劉家寺張燈宴設

甚盛凡景龍門所用金燈瑠璃珠璿翠羽飛仙之屬皆

取去統制官吳革以駕久不回請往軍前計議不則死

之孫傳不許

趙姓之遺史云乙巳金人於劉家寺放上元請帝觀燈宴設甚盛有致語云七將渡

河潰萬屯之禁旅八人登壘推千仞之堅城宣和錄云自帝蒙塵二帥既不許見日遣蕭慶須索城中物脅帝

傳旨取之此與姓之所云請帝觀
燈不同今並附此當求他書參考

丙午降授通奉大夫劉韜死于金營韜守真定有威名
金人知之欲用為尚書僕射許以家屬行韜不可手書
片紙遣使臣陳瓘持遺其子曰金人不以予為有罪而
以予為可用夫忠臣不事二君此予所以必死也乃沐
浴更衣酌卮酒以衣條自經於城南壽聖院年六十一

中興贈資政殿大學士

贈官在六月丁卯今因其死節併書之後准此謚忠顯

中興姓氏錄云京城陷韜自縊而死誤也靖康小雅劉
韜篇云時金樞密使韓正年高尼瑪哈欲用公代之公

力辭闕戶自經此亦誤業實錄附傳
韓正時為尚書僕射不為樞密使也

太學生徐揆出

見金帥請車駕還宮為所殺始城中傳金人以張燈留
上駕燕罷即歸至是不還揆與諸生丁特起汪若海何
烈等各為書欲遺二帥留守司不許揆獨詣南薰門誑
云獻金銀守門者白之俄遣騎取揆赴軍中揆出其書
畧曰曩者都城失守民無一生之望蒙再造之仁圖報
無地況金銀外物豈復有新第自去歲以來根括殆盡
恐京邑之藏不足以償拋降之目雖以天子為質猶無

益於事也願元帥存始終之惠反其君父班師振旅緩以時月使求之四方然後遣使入獻則中國之人德元帥之仁豈敢弭忘二帥見書詰難揆厲聲抗論為所殺揆江山人舉進士為開封第一待試省闈遂逢國難後

贈宣教郎官其家一人

實錄附傳云揆詣南薰門白守門者乞達二帥請車駕還闕二

帥遣騎取揆赴軍中詰難揆厲聲抗論為所殺案遺史揆始以誑敵得出故敵怒而殺之附傳刪修遂失其實靖康小雅徐揆篇云駕再幸金營被留未歸君以太學生具書極諫以謂為元帥之計莫若親宋則大金獲無窮之利苟吾君不歸則中原必自此亂亂則豪傑既出豈大金之利哉委曲千餘言祈必歸吾君而後已此與

附傳及遺史所載揆書全不同今不取

特起合肥人若海歙縣人烈潭州

人也

丁未霧氣四塞人對面不相視敵下含輝門剽掠焚五

嶽觀

戊申留守司輦景靈宮供具納軍前敵退太祖皇帝殿

什物令張設如初

宣和錄

初高陽關路安撫使黃潛善

至東平見董耘除參議官欲效之謁康履不遂乃獻言

於王請貽書幹喇布辯曲直大畧謂捧登城不下之詔

今踰時矣士大夫信大金之有義而戰士憤大金之不

還萬一賈勇而前有傷和好耿南仲恐敵得書知王所

在力折之

此據耿延禧中興記但延禧記南仲語有云自曹輔張激之歸敵方以不見大王為恨則

恐誤蓋激此時未至澶淵今不取

潛善怏怏乞進兵興仁王許之是日

潛善發東平時高陽關路馬步軍副總管楊惟忠知霸

州辛彥宗將所部與潛善偕來會元帥府都統制陳淬

戌澶淵遂以惟忠為元帥府都統制惟忠環州人西戎

部族彥宗長安人故將叔獻從子也

已酉詔權住納金銀

徐夢莘北盟會編壬子御批付徐秉哲打毬畢便還金銀並限來日

交納軍前盡絕在此後三日當考

敵從城中人買酒軍民持洩水與之敵怒辛亥開封府榜自今以諸雜物博易者從軍法

壬子軍民以車駕遷延未回詣留守司請軍器以備緩急不許即相率私造留守司慮其生事得李寶等十七人戮于市梟其首

甲寅陝西宣撫使范致虛以勤王兵次華州初西道都

統王襄既南走淵聖皇帝擢水部員外郎孫昭遠為秘

閣修撰西道副總管

去年十一月乙亥

昭遠以三騎出國門道

招潰卒得數百人由南陽入商洛遂至京兆會陝西制
置使錢蓋兵潰致虛檄諸路合兵勤王昭遠督之詞氣
慷慨聞者感動於是環慶經畧使王似熙河經畧使王
倚各以兵來會而涇原經畧使席貢秦鳳經畧使趙點
鄜延經畧使張深皆不至昭遠凡二十八疏劾之貢竟
不行點亦纔遣將官李安領兵入援秦州州學教授周

良翰見點責以京城危急勸點自行點不聽致虛合六路兵得十餘萬以右武大夫成州團練使知西寧州馬

昌祐統之

昌祐官職他書不見業史宣和六年五月以右武成團除西寧州建炎二年二月丙寅自

右武成團知西寧州除熙河副總管故知今為此官也

先是致虛在長安繕兵為

守河計河西沿流壁壘相望致虛不曉軍事往往取獻

陳者利便按文施設州縣軍民不勝其擾有萬花寺僧

宗印者孝義人本姓趙避亂過河中題詩佛寺守臣徽

猷閣待制席益見而奇之薦於致虛致虛喜其口辯善

談兵即以便宜假宗印中散大夫直龍圖閣充宣撫使
參議官兼節制軍馬奇兵軍正以統制官王偉等隸之
宗印請築長城起潼關迄龍門雖致虛行移峻急而上
下皆不以為是築城及肩應命而已宗印以僧為一隊
謂之尊勝隊以行者為一隊謂之淨勝隊致虛以大軍
遵陸而命宗印以舟師趨西京天章閣待制知同州唐
重聞之為書遺致虛為言今日之事可為朝廷慮者三
可為關中慮者五大率謂中都倚秦兵為爪牙諸夏恃

京師為根本今京城圍久人無鬪志若五路之師逡巡未進則所以為爪牙者不足恃而根本搖矣然潰卒為梗禁谷通行關中公私之積已盡甲馬全無又聞西夏侵掠鄜延為腹背患今莫若移檄蜀帥及川陝四路使者輸財用輦軍器市戰馬以資關中守禦之備合秦蜀以衛王室初京城既破敵遣修武郎包某閤門宣贊舍人董某持登城不下之詔以止援師致虛即斬之重又遺致虛書言和議已定不當抗詔出師致虛不聽

劉岑
撰唐

重墓誌云范致虛提六路兵勤王留陝州不進公自同州遺書責之曰金人犯京師半年王室存亡未可知臣子憂國宜何如哉且京城以秦兵為爪牙四方以京城為根本今擁秦兵坐視不前是爪牙不足恃而根本搖矣其言累千皆切至讀者感涕而致虛竟不能前也案此乃重第一書謂可為朝廷憂者三事然其全書大指則止致虛之行岑斷章取之蓋以技拭其事要非其實也京城二使不見於他書此以重第二書增入

引而東及是次華陰軍勢大振昭遠抃曾孫

抃眉山人嘉祐參知

政事致虛建陽人似安陽人貢河南人深華陰人益旦子

旦河南人故御史中丞

重眉山人也

乙卯金人來索內侍伶官醫工妓女後苑作文思院修

內司將作監工匠廣固搭材役卒百工伎藝等凡數千人
初元帥府統制官劉浩遣裨將承信郎丁順先渡河為金人所敗聚衆三千人圍濟州時汪伯彥等已有

奉王居濟州意

中興日歷載伯彥議討李昱事云濟州姑存大元帥駐泊之地豈容殘破蓋伯

彥引軍而東之意久已先定今參取附見

乃以順為武翼大夫閤門宣贊舍

人將其兵屯廣濟軍受黃潛善節制 是日大雪數尺

京城死者甚衆

丙辰金人來索法駕仗衛自帝蒙塵二帥日遣蕭慶須

索城中物脅帝傳旨取之至是殆盡又遣鴻臚卿康執

權秘書省校書郎劉才邵國子博士熊彥詩等押監書

及道釋經板館閣圖籍納敵營執權開封人才邵廬陵

人彥詩本孫也

本鄱陽人元豐吏部侍郎徐夢莘北盟會編癸未御批付徐秉哲朕於上床之

上睡者凡二十餘日矣不敢憚勞凡有所須卿等且竭力應副今附見此實錄無之龍圖閣待制

鄜延路經畧安撫使張深以勤王兵八千餘人發延安

丁巳太學諸生為書欲詣軍前不得進淵聖皇帝以手

劄諭都人云此事豈口舌所能下金人取內庫香藥

犀象司天監陰陽官大晟樂工等

初左副元帥宗維聞王在開德遣甲士與中書舍人張
澂持詔召王戊午至澶淵副元帥宗澤怒命壯士射之
澂乃去澂舒城人也濮州民兵首領王善以其兵千人
隸帥府王命進屯興仁 兗賊李昱張遇破任城縣勢
甚張元帥府遣中軍統制張俊討之後至任城遇伏幾
殆小校趙密連射數賊統制苗傅扼其前遂大敗之斬
千餘級密太原人也

已未金人索朝服祭器尚方藥餌下至博奕之具車載而往者不可勝計

庚申金人索九鼎八寶天下圖籍本朝開國登位敕書

西夏進貢書本於是皇帝殿玉寶十四金寶九皇后皇


太子妃金寶印各一盡予之

靖康要盟錄云金人又取皇帝殿白玉之寶十四承

天休延萬億永無極一也受命于天既壽永昌二也天子之寶三也天子行寶四也天子信寶五也皇帝之寶六也皇帝行寶七也皇帝信寶八也御書之寶九也御書之印十也無字寶十一也皇帝恭膺天命之寶十二也宣和御筆之寶十三也又皇帝恭膺天命之寶十四也青玉之寶二其一傳國寶其二受命于天既壽永昌

所謂秦璽者金寶九御前之寶一宣和殿寶二御書之寶三天下同文之寶四天下合同之寶五又御前之寶六御前錫賜之寶七書詔之寶八皇帝欽崇國祀之寶九銀印一尚書內省出納之印皇后殿金印一皇后之寶太子殿金印一皇太子寶太子妃金印一太子妃印

惟上皇所作定命寶在



建炎以來繫年要錄卷一